

Çareserkirina Pirsgirêka Alfabeya Latînî ji bo Kurdî¹

Avdo Karataş²

Destpêk

Alfabê û zimanê kurdî mijarekê gelek girîng û ew kasî ji gîrîft e. Anglo zimanê kurdî bixwe, ji bo sedemên aşîkar, nê zimanêkî standard e (Strohmeier; Yalcin Heckmann, 2003: 31). Sînorê di nava zimanê kurdî de hem horîzontal hem jî dîyagonal kûr û berfireh in. Lê belê ev naye we wate ku zimanê kurdî ji zimanê dî ye cîhanê kemtir an ji bêqîmettîr e. Wekî em kurdî bidin ber zimanê dewletê neteweyên (*Nationalstaat*) yekeminê cîhane wek fransî û itâli û almanî, li dema ku ev dewlet hatine sazkirin, em ê bibînin ku kurdî di rewşeye baş de ye. Hinga di sala 1789'an de Fransa hatî sazkirin, tene nîve fransîya dikaribû fransî b'axivin³ û ji va kesan ji têne ji % 12-13'a dikaribûn bi rastî bipeyvin. Mirovê din bi devokên (*patois*) cur bi cur d'axivîn. Hinga İtaliya yekîtiya xwe di sala 1860'an de sazkirî, tene ji % 2,5 di nava gêle İtaliyan da İtaliyanî bi kar tanîn.⁴ Di nav mijara *netew-bûn* de mînakên wisa pir in. Lê iro ji % 60'i behtir kurd bi zaravakê d'axivin. Hêjayî gotinê ye ku: *zimanê standard nîne, ziman tê standardkirin*. Ji bo vê standardkirinê ji pedivî bi saziyên mazin wek "Sazîyen Dewletê" heye. Krîzen iro, yên zimanê kurdî, ne pirsgirêkên pir-zaravî an ji pir-devokî ne, krîza zimanê kurdî, krîza nebûna dewleta kurd a bi serxwe ye.

Gelek mirovê zanyar û siyasetmedar hene ku dibejin "zimanekî kurda ye standard nîne, ji bo vê nikarin bibin netew". Ev çewt e û ne rast e. Ya rastî, wek mînakên Hobsbawm yê ku li jor hatine danin, bi me didin xwiya kirin, ev e: Zimanê kurdî ne standard e⁵ ji ber ku dewleta kurda nîne. Anglo mijar li wê derê ne mijara

1- Ew nîvîs di sala 2010 an de ji bo Semînera Mamostetiya Kurdi ji bo Zanîngeha Bonn, Institut für Orient- und Asienwissenschaften. Abteilung Islamwissenschaften re hatîbû amadekirin.

2- Xwendevanê Doktora di bêja etnolojiya Ewropa di Zanîngeha Freiburg, Almanya.

3- Di rezika Rêzimana Kurdî de du dengdêr nayen cem hev. Lê belê gelek lêker hene ku bi tîpekê rengdêr dest pê dikin û pêşpirtikê (prefix) bi tîpekê dengdêr dawî dibin. Di vê rewşê de pêşpirtikîpa xwe ya dawî ya dengdêr daveje. Mînak ; (bî)axive dibe baxive. ՝` dikeve. Mirhov kare di vir de pêşniyaz bike ku ketina tîpe bi alîkariya kirtêne (apostrof) bide xwiya kirin. Ew rewş di fransî de heye, wek l'école.

4- Van Bruinessen 1997: 190. Bruinessen ev mînak ji Hobsbawm 1990:60-61 girtine.

5- Ev ghotar naye we wate ku Kurdî qet nehatîye standart kirin. Ew gotar di wateya zimanêkî standart ku gel tev be bi axive û binivîse de hatîye gotin.

“Ziman û Netew“ e û alfabeyle latînî-kirine ye, dive nerîn werê ser mijara alfabê.

Mijara alfabeyê ji beşek mijara zimên e. Alfabe, bingeha “zimanê nivîsi”⁶ ye. Bi rastî kurdî, wekî em kurdî û rusî an almanî an jî çînî bidin ber hev, nê zimanekî wek wa yê nivîsi ye. Çandeyk e nivîsi ya mezin di dîrokê de çenêbû ye. Alfabeyle kurdî ye taybetî hene, belê li nav gel de belav nebûne.⁷ Kurda di heman demê de gelek alfabe bi kar anîne. Ango kurd ew bi salana di bin sistem û dewletê cur bi cur de dijîn, tercîha wa ne tercîheke azad e, mecburî mane, wa alfabeyê cur bi cur bi kar bînin.

Lê belê îro rewş hatiye guherandin. Li Kurdistana Başûr kurd heta radeyekî bi ser xwe ne. Ango heta radeyekî vina (îrade) wa ketiye deste wa û mecbur in pergalekî (sistem) ava bikin, kurdê Başûr bi rastî “pirsgirêkê sistem-kirine” hatine. Ji ber ku du zaravayê mezin û çendekî biçuk di vê herêmê de têne axiftin, giriftika pirsgirêkan jî mezintir dibe. Yek ji va pirsgirêka jî standardkirina zimên û pirsgirêka ku bi vê ve girêdayî yanî pirsgirêka standardkirina an ji yek-kirina alfabeyê ye. Di jêr de we li ser vê arêseya Kurdistana Başûr guftûgo wêre kirin.

Di Dîroka Herêma Kurdistana Başûr De Ziman Û Alfabe

Her çiqas bêrî Şerê Cihanê yê Yekemîn li herêmê di medresa de perwerdeyî hebû û gelek kesayetiyê mezin di besen wêje, filosofi, dîrok û zanyarî derketibin jî, dibistanen modern û bi zimanê kurdî bi Şerê Cihanê yê Yekemîn’ re dest pê kirine.

Piştî hewldanenê Şex Mahmud Berzencî têk cûn û ji aliyê îngîlîza ve hate binçavkîrin, di sala 1920’ an de Komîsîrê Hezê Dagiriye îngîlîzi yêni li Îraqê, Soane, li Başûrê Kurdistanê saziyên rîveberî ji bo Kurden Başûr danîn. Armanca Soane ev bû ku bi alîkarîya çapemeniya bi zimanê zikmakî serdesta îngîlîziya bi kurdan bide pêjîrandin (Behrendt, 1993: 350). Soane dest bi pêşkirina zimanê kurdî kir. Zaraveyê Soranî bû zimanê standard yê herêma *Kurdistana Xweserî* (Strohmeier; Yalcin Heckmann 2003: 119). Soane alîkarî da ku kovara heftî bi nave Pêşkeftin derkeve. Ev Kovar heta bi 118 hijmara berdevam kir. Kurmanciya jêr (Soranî) di dibistana de hat danîn û zarokên kurd bi kurmanciya jêr hatin perverdekirin. Hetta Soane bi xwe pirtukêk ya *Rêzimana Kurdî* û yekê ji bo xwendinê ji bo despêka dibistanê amade kir. Gelek dem neçû va çalekiya berhemên xwe dan. Ne dereng, kurdekî bi navê Hacî Mustafa Paşa kovara xwe bi xwe bi nave Bang-i Kurdistan derxist (Behrendt, 1993: 350).

Ango Suleymaniye navenda Mîren Baban bû, bajartî di wî warî de peşketi bû. Di ser de çalakîyen Soane ye li Silemanî, Kurmanciya jêr behtir peşvexist. Di aliyê dî

6- Ev gotar bi wate ya Ong (1995) hati ye bi kar anîn.

7- Yek jê; Wisif Zozanî. Eski Kürt Alfabesi. <http://www.gazetekurd.net/index.php/kurt-alfabe>

de herêma Behdînan, ku Kurmancî tê axaftin (Kurmanciya jor), di aborî de paşve ma bû û ji dêla bajartî bi pîranî di bin hukmîya eşireta de bû. Alîkariya ku Kurmanciya jêr distand Kurmanciya jor nedistand û di dibistanê li herêma Behdînan de ziman an bi Erebî bû an jî Soranî bû (Bruinessen, 1997: 205). Di gengeşeya zarava da, Kurdê ku Kurmanciya jêr diaxivin⁸ hewl didin ku Kurmanciya jêr wek pêşketítir bidin erêdanî. Argumentên ku Soranîaxêv her demî tênin zimên ku Kurmanciya jêr zaraveyekî pêşketî ye, ji vir tê. Lê belê li aliyê din, di revşa Kurmanciya jor de pêşketinê girîng kêtine hola dîrokê de. Wê li vir were iddia kirin ku Kurmanciya jor di rewşa pêşketinê de gihaye qada Kurmanciya jêr.

Li Kurdistana Bakur (Tirkî) bi piranî, Kurdistana Rojava/Başûrê Biçûk (Surî) bi temamî, Kurdistana Başûr bi qêdere nîvê gelê herêmê, Kurdistana Rojava (Îran) kutleyek Kurmanciya jor bikar tênin û di ser de Kurdê li Lîbnanê, li Rusya, li Ermenistan, li Ezerbeycan, li Georgiya Kurmancîaxêv in. Çiqas ti hijmarê fermî nebin jî, mirhov kare bejê ku ji 18 milyona behtir Kurdê Kurmancîaxêv hene û hijmara Kurde Soranîaxêv kasî 7 milyona ye. Çika di nav Kurdê bi Kurmanciya jor de alfabetê cur bi cur hebin jî, ji 1920'a vê alfabeta latînî rolekê mezin dilîze.⁹ Xebate Mîr Celadet Bedirxan (1986) û kovara Hawar li Şamê di nava sala 1932 û 1945 bingilê ke bi hez danî (Strohmeier; Yalcin Heckmann, 2003: 35). Di bêşa jêr de we gengeşe li ser mijara zimên û alfabe di Herêma Kurdistana Başûr de wêre kirin.

Gengeşeyê Ser Zimên Û Alfabeyê Di Herêma Kurdistana Başûr De

Di tev gengeşeyên derhêqa zimên, di Herêma Kurdistana Başûr de, bi giranî bi gengeşeya alfabeyê re jî heye. Hingî diçe, gengeşeyê ser zimanekî standard ji bo Herêma Kurdistana Başûr jî xurttir dibe.

Ew pirs jî wek Hesenpûr anî ziman halo ye: “Di zimanê kurdî yê pirlehceyî de, ku sê adetên xwe yên edebî yên serekî (hewramî, kurmancî û soranî) û du lehceyên standard hene, divêt zimanê resmî yê “hikûmeta herêma Kurdistanê” bi kîj lehceyê be?” (Hesenpûr, 2010). Yê ku Kurmanciya jêr didin pêş, bi pîranî alfabeya Erebî pêre difikirin û yê Kurmanciya jor tênin zimên alfabeya latînî jî pêre difikirin. Li gora ramana Hesenpûr heta niha du bersiv ji pirsiyarê re hatine danîn û ew ev in: “1- Soranî lehceya bi tenê ya standard e û divêt bibe zimanê resmî, û 2- kurdî, wek zimanê norwijî, du lehceyên xwe yên standard hene û divêt herdu lehceyên wî yên serekî bêñ resmî kirin.“ Tişa balkeş di nav va pirsa da ewê, ku behdînanî ji bo zimanê standard nehatiye hole. Hesenpûr dixwaze Soranîaxêva wek “şovenîzma soranî” bi nav bêne û dixwaze Soraniya yên ku dibêjin “bila tenê Soranî bibe zima-

8- Hesenpûr ji war a dibeje “Soranîaxêv”.

9- Ji bo ve mijarê meyzêne: Burkay 1997: 199 û wêde. Strohmeier & Heckmann 2003: 35 û wêde. Franz 1986: 30 û wêde.

nê standard“ rexne dike û du zaravaya dide pêş, lê belê babetâ alfabe nayîne zimên.

Wekî mirhov li gotin û nerînên Soranîaxêva dinêre, yên ku dixwazin ku Soranî bibe zimanê seranserî, mirhov kare peyt/tespit bike ku ev tenê ji bo Herêma Kurdistanâ Iraqê diaxivin, wekî ku *Mehemedê Mela Kerîm* di nivîsa xwê de tîne zimên: “Di rewşa gelê kurd de [...] her diyalekta her deveerekê bibe zimanê karû-barê rûniştivanê wê deverê û ev dê astengên mezin û giran bixe di rêya pêkanîna zimanê seranserî yê gelê kurd li herêma Kurdistanâ Iraqê de” (*Kerîm*, 2008).

Mela Kerîm di nivîsa xwe de tîne zimên ku du diyalekt ji bo perwerdeya zarokên ku li wê deverê pê diaxivin, nabe werê dariştin: “ev tê wateya ku em berê binyatê duziman-kirina kurdiyê dadinin û em gelê kurd dikin bi du gelên weha ku her yekî ji wan zimanekê cida ji yên din hebe û nabe ji em bi karekê weha qayîl bibin.” “Di wir de xwiya dibe ku armanca Soranan ne ji bo standardkirina zimanekî ji bo gelê Kurd e. Wekê li jor hate zimên, ji nîwî behtir Kurd bi Kurmanciya jor diaxivin lê belê ev rastî ji Sorana re ne giřing e. Soran wekî li ser mijara alfabeyê diaxivin, alfaba latînî bi alfaba bîyanî tênin zimên lê ya erebî wek “alfaba kurdî” nîşan dikin (Rêşîd, 2008).

Hinek ronakbirê Soranî, wek Ferhad Şakelî, di wê baweriyê de ne ku alfaba latînî nikare fonetîka kurdî rast bide: ”Çêdibe di alfabe kurdî ya niha de yek an du netemamîyen fonetîkê tê de hebin lê di alfabe latînî-tirkî de kêmîtir heft dane fonten netemam hene ku bi tu curek nivîseke kurdî bêyî wan fontan nayê nivîsin. Ev rêk bi bera-vajîya vê banga nerast û nezanîstî ye ku hin xwedêgiravî xwedevanê kurdînezan ên bêganeperest dikin ku qaşo tîpêñ latînî dengen zimanê kurdî baştir derdibirin.”¹⁰

Nivîskar di wir de alfaba latînî wek alfaba “latînî-tirkî” têne zimên û dibêje: “Bikaranîna alfabe latînî ji bo zimanê kurdî projeyeke dirindane ya emperyalîzmê ye bo dûrxistina neteweya kurd ji hemû raborî û dîroka xwe û ji bo jîbîbirina rêk û rîşeyen fikrî û ruhî ên wê û bo ragirtin û têkdana pêşkeftinêñ mezin ên di warê ziman û edebiyatê de li Kurdistanê nemaze yên ku di Kurdistanâ Iraqê de hatine afirandin, ji bo jinavbirina prosesa netewebûnê ku di sedsala 20’ân de ser-keftinêñ baş bi dest ketine.” Li gor nerîna nivîskar ne ku Kurdiya Başûr, Kurdiya Bakur ji nikare bi alfabe latînî bê nivîsandin. Nivîskar li ser Melayê Cizîrî û Ehmedê Xanî disekine û dibêje ku mirhov bi alfaba latînî nikare berhemêñ wa bix-wêne. Nivîskar, mirhovêñ ku alfaba latînî dixwazin, wek “rojavaperest” nîşan dike.

Di encamê de mirhov kare bêne zimên ku gengeşeyên di çarçova zimên û alfabe-ye de bi gelempêri li ser wêjê têñ kirin. Di ser wa gengeşa de xwiya dibe, ku raman ev e; heçko ziman qet nayê guherîn û her demî statîk e.

Zimanê Kurdi: Asoyeke nedîyar. Ferhad Şakelî. http://pukmedia.com/kurdi/index.php?option=com_content&task=blogcategory&id=19&Itemid=19

Hêjayê gotinê ye ku pewîst e gengeşe bi gelek alî ve were guftûgokirin. Goran Candan (2008) di vê baweriyyê de ye ku ti car alfabe nabe sedema duzimanî. Li gor nerîna nivîskar arîşe/pirsgirêka zimanê kurdî pirsek rewşenbîri ye. Ji bo çareserkinê jî nivîskar rêgekê balkeş dide ber her alîyan: "Bi kurtî pirs, pirsek rewşenbîri ye. Formula wê ya hêsan jî ev e: Gava ku tu bi zaravayê xwe baş bizanibî, tu bi otomatîkî ji zaravayên din ên kurdî jî têdigehî. Lê gava ku tu zaravayê xwe BAŞ NAS NEKÎ - wek nimûne em bibêjin gava zaravayê te bi kurmancî be - tu hingê bi soranî yan bi dimili qet jî nizanî, zaravayên din ên kurdî di guhê te de dikare wek frensî yan rûsi bêt bihîstin! Lê gava ku me zaravayê xwe baş nas kir, em bêguman hingê ji zaravayên din ên kurdî jî pir û pir baş têdigehêن. Hingê yên bi dimili, soranî û kurmancî dipeyivin, wê bêyî astengek bi hev re bipeyivin û ji hev xweş têbigehêن" (Candan, 2008a). Weke ev mînakên jor didin xwiyakirin, mijara alfabe û mijara zimanê serekî ji bo Herêma Kurdistan bi hev re hatine girêdan. Ev xêletî nahêle ku gengeşeyêن baş li ser yekkirina alfaba Kurdî werin kirin. Gelek kem mirhov bi standardkirina zimên û alfabe ji hev cûda têdigihijin. Bi rastî ev her du beş gerek ji hev cûda verin gengeşekirin û gawa yekemîn ev e ku pêşî alfabe were sererastkirin.

Alfabâ Latînî an Alfabeya Erebî

Armanca Celadet Bedirxan ev bû ku hemû zaraveyên Kurdî bi alfaba latînî werin nivîsandin. Lê belê zelal e ku pirsgirêka alfaba kurdî heta îro ji nehatîye çareserkin. Di vê rewşê de jî nikare were çareser kirin. Anglo zimanê kurdî hê gelek lêkolîn dixwaze, pewistî bi sazî û iradeyekê netewî heye. Mînak: hê ji bo gelek mirhova ne diyar e, gelo çend zaravê kurdî hene?, Kîjan in? Çend devokê wa zarave hene?, Kîjan zarave ye, kîjan devok e? Divê çilo werin binavkirin? û gelekê din. Hê ne ferhengên zanyarî, ne ferhengên etîmolojî, ne ferhengên herêmî ne berhemên rastnîvisî (ortografi) hene. Zimanzan gelek kêm in. Ne sazî, ne enstîtû, né jî zanîngehêن zimanê kurdî hene. Di vê rewşê de hinek zû ye ku mirhov behsa zimanê standardkirine bike, lê standardkirina an jî yek-kirina alfabe çîqasî mijarêkê zanyarî jî be, wukasî mijarakê ramyarî yanî siyasiye jî.

Ango Kurd di nebeqîna herêmên çandî yên mezin wek persî û erebî de ne, hewceyi alfabeyekê serbixwe nekirine. Sedem ji bo vê mijarê pir in. Lê belê alfaba erebî û ya latînî her du jî alfabeyên bîyanî ne, sûd û windayî di her du ka de jî hene.

Li vir mirhov kare gelemerî ji bo bilêvkirina tîp, deng, pevv û bêje de hîpotezekî bavêjê holê: Zimanek di bandora kîjan zimanê bîyanî de be, bilêvkirina wî zimanî digre ser xwe. Alfaba wî zimanê bîyanî jî bandora wî berdevam dike. Ew rewş tê vê watê:

- Hek îro alfaba erebî bibe alfaba kurdî, bandora erebî li ser kurdî kiri, we bimêne.
- Her xebata pak kirina zimane kurdî bi alfaba erebî, we bê encam bimêne.

Lê belê hek alfaba Kurdî bibe alfaba erebî, hingî newşê Kurdê nû we karibin berhe-

men wêjeya Kurdî ye klasîk ji zimanên wan ên resen bixwînin.

Alfabâ ku Celadet Bedirxan danî sih û sê tîp bûn. Anglo Bedirxan divêya hemû devokêن zarava Kurmancî bêne zimên û alfabetekî çêke ku her dengê va devok û zaravayêن din jî bi lêv bike. Anglo hinek ji van devokan bin bandora tirkî, hinek bin bandora erebî, hinek jî bin bandora farsî de bûn û peyvîn resen ên kurdî bi pîranî ne zelal bûn. Bedirxan mecbur mabû hinek tîpêن dî bi ser ve bike.

Alfabeya Kurmanciya jêr ne alfabeaya erebî ne alfabeaya persi ye. Alfabe li gor Kurmanciya navîn hatîye danîn. Bi rastî, alfaba erebî kare baştir dengê kurdiya nenivîskirî bide û ev sûda tenê ya alfaba erebi ye. Wek jer de tê xwiya kirin, alfaba latînî ya ku Bedirxan ji bo kurdî diristkirî, nikare hemû dengê kurdî bide. Lî belê sûdê alfaba latînî ji ya erebî pirtir in.

Kemasiya tîpên erebî û latînî

Alfabeya erebî de tenê dengdar (Konsunant) hene. Ji bo tîpê "w", "u", "ü", "o" tene yek tîp heye. Ji bo tîpê "y", "e", "ê", "î" tene tîpek heye. Tîpa "i" tune ye.. Ev alfaba erebi ya ku Kurd bi kar tîmin, ne sedî sed wek ya erebi ye. Ji qeyna tîpa "i", dengdê-rêن din yên ji bo kurdî pêwist in di alfaba erebî ya Kurmanciya jêr de hene. Kemasiya tipê latînî ev in ku tîpê latînî dengê hemû tîpên kurdî nadin. Mînak: di Kurdi de du dengên "e", "k", "p", "t", "ç"¹¹ û heta qadekî tîpa "h" du deng hene. Bi alfaba latînî de cudadetî di nav wek "ker" de tune ye. Mînak ;

- 1) "k" - ker (Eşek)
- 2) "k" - ker (sağır)

Wek mînaka tîpa "k", tîpa "e" jî heman arîşe derdixe hole:

- 1) "e" – Evîn
- 2) "e" – Emer

Mirhow kare bêje, ku mînaka duyê (2) ji bandora erebî tê. Lî belê peyva "ewr", peywekê Kurdi ye û di nav tîpê latînî dengê vê "e" yê tune ye. Di peyvîn Kurdi wek "Evîn" karin gelek baş bi alfaba latînî bêñ bilêvkirin, lê peyv wek mînaka du (2) di alfaba latînî de arîşeya çêdikin.

Wek li jor hatî gotin, gelek tîpên din jî hene ku du "deng" a didin. Hinek ji wan arîşeyen bi alfaba latînî ne. Lî belê ev tîp bi gelemerî di peyvîn bîyanî de, wek yê erebi, tê bikaranîn.

Mînak: Tîpa "H"

11- Di Rêzimana Kurdî de ç, k, p, t, r tîpe cewî/dudeng in (Bêkes 2004).

Hêlin, hek, hebûn, hevî û hwd. ev peyv Kurdî ne û ti arîşê di vir de nîne. Lê belê peyvên wek Hesen, Hecî û hwd. ji erebî têñ û ji bo vê yekê arîşê têxe mijarê.

Mînak: Tîpa “e“ wek li jor hatî danîn.

Elîf û erd

Ew û eşîr

Erzan û emr.¹²

Ev tîp cur bi cur denga didin, hinek jê yê biyanî ne û hinek jê bi Kurdî ne, lê belê ji bo wan dengan ne tîpêni bi serxwe hatiye danîn, ne jî rastnivîsek hatiye diristkirin.

Ev mînak didin xwiyakirin ku ew tîpê latînî yên ku Celadet Bedirxan ji bo dengê Kurdî pêjirandî bi sêdî sed nê ehîl in. Lê di vir de pirsgirêka Bedirxan e, pirsgirêk ew e ku heta niha ti kesî, ku ji berhemen Bedirxan biburê, derneketiye. Kurdî zimanekî indo-ewropeyi ye û nê samî ye. Xuya dike ku Kurmanciya jêr geleki bin bandora erebî de maye û hinek karakterê kurdî wunda kiriye. Mînak, *ergativ* û *zayend* di vî zaraveyê de nemane. Alfaba latînî wê bandora erebî ser Soranî kêmtir bike û rê ji zelalbuna wê re weke. Lê belê biryara alfaba Kurdî ji bo Kurmanciya jêr ne teknîkî, çandî, wêjeyi ye, bes bi ramyari yanî siyasî ye.

Encam

Hêjaye gotine ye ku wek *Ferate Dengizî*, Seroke Enstituya Amedê, ani ziman, iro li gora salêñ bêre standardiyekê Kurdî, Kurmanciya jor, derketiye holê.¹³ Bêrî encamdana standardkirina zimêñ an guherandina alfabe gerek e axivêrên her zaraveyî, berî her tiştî, zaravê xwe baş fêr bibin. Di warê zanyarî de lêkolîn werin kirin, devok û zaravayêñ Kurdî werin ber hevkirin. Saziyê zanyarî werin diristkirin. Arîşe ne di pêşketina zaravakî de ye, arîşe di nebûna saziyê netewî de ye. Herêma Başûr kare alikariyek giring bide zaravayêñ din. Iro her du zaravê mezin (Kurmanciya jor û ya jêr) wekî pêwist be, ji dêla ku ji zimanê biyanî bigrin, peyva ji hev bigrin. Wekî arêşeaya alfabe were çareserkirin, hingî axivêrên her du zarava-ya karin nivîsarêñ zaravayê din bixwînin.

Divê rewşenbîrêñ Kurdistanâ Başûr di mijara zimanê standard de opsiyona Kurmanciya jor jî bînin zimêñ. Ew ne ji bo kuştina Kurmanciya jêr e, ji bo jiyana Kurmanciya jor e û hem berjewendiya herême û yê Gelê Kurd di ve opsiyonê de hene. Wilo xwiya dike ku Sorana di Herêma Başûr de beşê çandî/zimanî/perwerdeyî, Behdînanan beşê leşkerî girtine.

Di gelek nuça de tê diyarkirin ku Kurmanciya jor di zaningehê Sorana da qedexe ye. Aknewsê ji demekî Kurmanciya jor di malpera xwe de rakiribû. Ew mînak

12- Ev mînak ji pirtuka Çeto Özel (2004) girtine.

13- http://www.avestakurd.net/news_detail.php?id=9868

Hesenpûr mafdar derdixin. Heke Kurmanciya jor ji wek Kurmanciya jêr ev 90 sal in hatibana piştgirîkirin, arîşeyên ku Kurd iro pê re mijûl dibin wê kêmter bana. Ji bo kurdî fersendek gelek baş derketiye. Ev ji hebûna Herêma Kurdistanâ Başûr e. Li Başûrê Kurdistanê, di 15'ê Êlûna 2009'an de 1.250.000 zarokê Kurd bi destê 85.000 mamosteya û di 5.000 dibistana de dest bi perwerdeyê kirin.¹⁴

Li gor ramana GfbV, heke iro zarokê Kurd li Kurdistanâ Bakur dest bi perwedeyê bikin, hijmara wa wê 3 milyon be û ji bo wa 10.000 dibistan pediv bê. Wekî ev kutle bi alfabetî perwede bibe, rîgekê mezin wê ji bo rewşenbîrî û ronahiya kurdî re vebe¹⁵. Ji bo wê alfabayek nû pêwist e.

Çavkanî

Bedir Khan, Emir Djeladet ve Lescot, Roger. 1986. Kurdische Grammatik. Kurmancî-Dialekt. Kurdisches Institut, Deutsche Sektion, Bonn. Verlag für Kultur und Wissenschaft, Bonn

Bekes, Dr. Kamiran. 2004. Bingehê rîzimana kurdî. Babol Druck

Behrendt, Günter. 1993. Nationalismus in Kurdistan. Schriften des deutschen Orient-Institut. Hamburg

14- Fahrî Karakoyunlu: ji zimanêñ ku dijîn re; El Fatîha...!

15- <http://europenews.dk/de/node/7087>

Bruinessen, Martin van. 1997. Kurden zwischen ethnischer, religiöser und regionaler Identität. (in): Ethnizität, Nationalismus, Religion und Politik in Kurdistan. Kurdologie; 1. (Hrsg). Carsten Borck; Eva Savelsberg; Siamend Hajo. Münster: LIT, 1997 S. 185-216

Burkay, Kemal. 1997. Geçmişten Bugüne Kürtler ve Kurdistan. Coğrafya – Tarih – Edebiyat. Cilt 1. Deng Yay.

Candan, Goran. 2008. Pirs û gelşen ziman pirseke rewşenbirî ye -1-
<http://www.pdk-bakur.com/modules.php?name=News&file=article&sid=1132>
.....(2008a) Pirs û gelşen ziman pirseke rewşenbirî ye -2- 04.08.2008.<http://www.pdk-bakur.com/modules.php?name=News&file=print&sid=1135>

Dengizî, Ferate. 2010. Hewldana xwebûnê: Enstituya Kurdî ya Amedê. 10 Tebax 2010. http://www.avestakurd.net/news_detail.php?id=9868

Franz, Erhard. 1968. Kurden und Kурдентум. Zeitgeschichte eines Volkes und seiner Nationalbewegungen. Deutsches Orient-Institut, Hamburg

Hesenpûr, Emîr. 2010. Şovînîzma soranî û efsaneyên wê (1). Weşandin: 2010-03-23. <http://www.kulturname.com/?p=3094>

Karakoyunlu, Fahri. 2009. Ji zimanên ku dijin re; El Fatîha...!
<http://www.argun.org/2009/09/23/ji-zimanen-ku-dijin-re-el-fatiha%E2%80%A6/>

Kerîm, Mehemedê Mela. 2008. Em ci bikin da xwendin bi yek diyalekta kurdî be. 2008-09-09. <http://www.kulturname.com/?p=270>

Ong, Walter. 1995. Sözlü ve Yazılı Kültür/Sözün Teknolijileşmesi İstanbul.

Özel, Çeto. 2004. Kurdiya Nûjen. Weşanên M, İstanbul

Reşîd, Tosinê. 2008. Bo wê gengeseye meyzêne: Nivîsa rojnamevan û nivîskarê ezidî ye Ermenîstane 05.08.2008
<http://www.celadet.com/modules.php?name=News&file=article&sid=355>

Strohmeier, M.; Yalcin-Heckmann, Lale. 2003. Die Kurden. Verlag C.H. Beck, 2., durchgesehene Auflage, Nördlingen

Şakelî, Ferhad. [...] Zimanê Kurdî: Asoyeke nediyar..
http://pukmedia.com/kurdi/index.php?option=com_content&task=blogcategory&id=19&Itemid=19